

本朝列女傳

婦人四





本朝古今列女傳卷之四目錄

婦人傳

五十人
附錄三人

置目

附磐坂皇子乳母

波自米女

蘓提賣

千世賣

直玉主賣

全敷女

福良女

道足女



吉成女

丈部子氏女

今虫賣

乃自賣

安良賣

萬女

益吉女

富成女

真刀自咩

衣富女

繼成女

總成女

廣刀自女

道虫女

氏成賣

宅子

廣繼夕

真貞子

福刀自

黑主賣

金子

秦刀白

秀刀白

玉刀白

能子

大富賣

園主賣

尿子

福佐賣

小掠賣

伊賀福刀白

清常刀白

小平子

今子

附箭集清河子

漢部妹刀白

鎌田婦人

附鎌田女

山内經俊母

京極局

仁田忠常婦人

山名禪高婦人

本朝夫人傳卷四目錄

大月也女傳卷四目錄

妙喜尼

永井氏女

全像本朝古今列女傳卷之四

婦人

婦之謂服也服事於夫也禮曰土曰婦人

置目

附磐坂皇子乳母

中西氏藏書

置目者近江國狹狹城山君祖倭依宿根之妹也顯
 宗帝元年春二月詔曰先王市邊押遭離多難殞命
 荒郊朕在幼年亡逃自匿猥遇求迎升纂大業廣求
 御骨莫能知者詔畢與皇太子億計帝同母兄也泣哭憤
 惋不能自勝是月召聚耆宿帝親歷問有一老嫗進
 曰置目知御骨埋處請以奉示於是帝與皇太子億
 計將老嫗婦幸于近州來田綿蚊屋野中掘出而見

果如婦語臨穴哀號言深更慟自古以來莫如斯酷
仲子之尸皇子帳內佐伯部交橫御骨莫能別者爰

有磐坂皇子之乳母奏曰仲子者上齒墮落以斯可

別於是雖由乳母相別觸體而竟難別四支諸骨由

是仍於蚊屋野中造起雙陵相似如一葬儀無異詔

老嫗置目居于宮傍近處優崇賜郵使無乏少是月

詔曰老嫗伶俜羸弱不便行步宜張繩引組扶而出

入繩端懸鐸謁者入則鳴之朕知汝到於是老嫗奉

詔鳴鐸而進帝遙聞鐸聲歌曰阿佐賦皞羅淺茅原

未明之鳴贈祢鳴須擬過遲寢也言夜半謨謀逗絕發語也

南百傳也如今奴底喻羅俱慕與鐸動也於岐每俱羅

之慕置目來也凡御歌意者惟倭俗宿根因妹置目

之功仍賜本姓狹狹城山君氏二年九月置目老困

乞還曰氣力衰邁老髦虛羸要假扶繩不能進步願

歸桑梓以送厥終帝聞惋痛賜物千段逆傷岐路重

感難期乃賜歌曰於岐每慕與置目阿甫彌能於岐


每近江置目也阿須用利皞自明也弥野磨我俱利底御山

利與禮彌曳孀孀阿羅牟不見在也五音通

頌曰

惟斯置目 忠勤朝廷 導君荒野 求骨林垵

目置



木月... 傳...

合葬仲子

撫養頽齡

玉階金鑿

世頌耳聽

本朝... 卷四

五

波自米女



本朝列女傳卷四

七

波自米女

高橋連波自米女者對馬嶋上縣郡人也夫亡之後誓不改志其父壽亦死結廬於墓側每日齋食孝義之至有感行路表其門間復田租終身時稱德帝神護景雲二年二月丙子薨庚辰也

頌曰

高橋連女 惟貞惟諒 亡夫喪父 獨廬冢上
孝義兩全 葬祭各壯 復其田租 炊煙長颺

賣提蘓



蘓提賣


額田部蘓提賣者石州美濃郡人也寡居年久節義著聞兼復積而能散所濟者衆神護景雲中復其田租終身

頌曰

石美濃郡 教化浹洽 額田部女 寡居有法
 復積能散 普周屢乏 全不繼富 貽則來葉

大月川不傳卷四

千世賣



千世賣

他田舎人千世賣者信州伊那郡人也少有才色家
 世豐贍年二十有五喪夫守志寡居居五十餘年神
 護景雲中哀其守節賜爵二級哀疑哀乎按本朝之
 多矣當作哀則此下級字下可
 有千世賣預此科矣之七字平

頌曰

千世賣者 不厚遺體 五十餘年 孀居好禮
 天賜榮爵 于茲豈弟 後世婦婦 慙頹流泚

直玉主賣

直玉主賣者壹岐嶋壹岐郡人也年十五夫亡自誓
 遂不改嫁者三十餘年供承夫墓一如平生光仁帝
 寶龜三年冬十二月賜爵一級并免田租以終其身
評曰壹岐之為嶋去王畿一千餘里一女之操行
 辱達天聽度德而叙位吁盛哉當時無遺賢曠官
 可知矣


頌曰

直玉主女 無愧古賢 少而亡夫 晚節彌堅
 賜爵免租 取禾幾廬 嗚呼奇哉 婦德誰先

直玉主賣



全敷女



全敷女


物部文連全敷女者。土州香美郡人也。爲同郡物部鏡連家主之妻也。夫亡之後。哭不絕聲。哀感行路。平城帝大同五年春正月。全敷女授少初位上免。戶田租。以終身。標其門閭。以旌節行也。

許曰。華周。杞梁之妻。善哭。其夫而變國俗。全敷女近之矣。

頌曰

昊天生物，因材方安。
 詰主御世，量能授位。
 物部氏女，全不素餐。
 閑談其情，舌本可乾。

福良女



福良女

常陸國長幡部福良女者同郡吉祢侯部就忠之妻也。就忠亡之後，號泣不絕，哀感行路。嵯峨帝弘仁八年閏四月，授少初位上，免其田租，終身以旌節行也。

頌曰

長幡部女 就忠令妻 身在關東 名聞洛西
善哭其夫 未聞曉雞 不詣丹墀 忽昇雲梯

道足女



道足女

吉祢侯道足女者下野國芳賀郡人也同郡少領下野公豐繼之妻也夫亡之後誓不再醮常居墓側坐不絕聲弘仁十四年春三月授少初位上免田租終其身標門閭以哀至行也

評曰。顏淵死。子哭之慟。不自知其慟。若過也。况夫婦居室之間。死別之後。豈不哭乎。戒爲之。弛而隅。其勿誣也。

頌曰

吁下野公 豐繼昇霞 其婦係終 居墓咨嗟
 詔益丁役 貞烈時嘉 如此義膽 作傳是佳

吉成女



吉成女

下野國三村部吉成女者故主帳外大初位上勲八等輕部豐益妻也夫死之後常掃墳墓操志貞潔無心改嫁量彼志行可謂節婦也淳和帝天長元年冬十二月叙位二級終身免其戶田租旌節行也

頌曰

輕部氏妻 寡居熱惱 疾風吹後 得知勁草
無志再醮 墳墓常掃 事死如生 身少至老

文部子氏女



文部子氏女

文部子氏之女者常州人也年十五適於同鄉人勲
 七等新治真軍經十八箇年夫死之後常掃墳墓朝
 夕悲泣雖經多年無變其志天長二年春三月甲子
 子氏女叙位五級終身免其戶田租用旌貞節

頌曰

文部氏女 十五執柯 良人捐館 淚如傾河
 常糞鬣封 之死靡他 婦德保終 宜哉登科

今虫賣



今虫賣

別公^三今虫賣者當世之節婦也天長二年夏六月叙位二級終身免戶田租以旌節行

頌曰

今虫賣者 其節不違 不^レ二其操 爲世所希
 義爲已任 名鳴王畿 賜爵免租 萬世光輝

刀自賣

難波部首刀自賣者豐之前州人也。自賣年十有八歲。適下毛郡大領藤野勝官守之家。既經二十箇年。夫官守死去。刀自賣獨守空室。十歲于茲矣。遠近庶士求之不少。而有諒同穴無心再離愛亡夫之遺衣。置獨守之牀上。朝夕每見。追攀不息。然得耳珍必莫亡靈隣里無不稱嘆。仍表門閭以旌貞操也。天長四年春正月。免其戶課役田租。終身勿事。


頌曰

天長年中 有女高義 未盡丁役 正受天賣

牀設遺衣 薦以時食 如斯是誰 豐州刀自

月山小傳卷四

賣身乃




安良賣

難波部安良賣者筑前人也。天長五年春三月叙位
二階免戶田租。安良賣父母共没常拜塚營朝夕盡
哀。年十有六嫁宗像郡大領外正七位上宗形朝臣
秋定。秋定死于今十五年。孝節可喜。

頌曰

難波部女 操行玉潔
親喪盡哀 夫没全節
生而安家 死而同穴
惟孝惟義 心腸惟鐵

安良賣



本朝列女傳卷四

萬女

上村主萬女者甲州人也。天長六年冬十月叙位二級終身免戶田租。萬女年十五嫁小長谷直淨足生三男一女去大同三年淨足死去自尔以後禮敬虛靈猶神如在村里稱之。

頌曰

上村主女 養節無餒 夫和婦柔 殘生不苟
 拜敬牌前 猶神如在 有子不凡 有家無殆

萬女



益吉女

風早直益吉女者豫州人也天長七年夏六月叙位
 二階終身免其戶田租益吉女夫死後攀慕不止落
 飭歸真節操難奪所以叙之位階用旌貞潔也。

頌曰

風早直女 檳榔爲聘 不幸亡夫 斷髮落靚
 與吳泰伯 同行異性 一德共權 不失其正

本草列女傳卷四
 十一

益吉女




富成女

伴直富成女者甲斐國山梨郡人也年十五嫁鄉人
大枝直平麻呂生一男一女而仁明帝承和四年平
麻呂死去也厥後守節不改年已四十有四而攀號
不止恒事齋食敬於靈牀死如存日量彼操履堪為
節婦者也勅旨終身免其戶田租即標門閭以旌節
行于時承和十一年夏六月甲斐國言之也

頌曰

伴富成女 大江直偶 喪夫生哀 有子存後
婦德毋儀 無出其右 更免田租 孔方貫朽

富成女



本朝列女傳卷四

二十一


真刀自咩

刑部直真刀自咩者武州多磨郡猪江郷人也。爲同郷刑部廣主之妻。生四男三女。經二十有一年。夫廣主乃死矣。真刀自咩居喪有禮。事死如生。墳側結廬。晨昏悲泣。推移歲月。終始不渝。見其操行。可謂節婦者也。勅宜特授位二階。兼終身免同戶田租。

頌曰

廣主就木 其妻爲婺 居喪有禮 廬墓多悲
賜爵二級 家以不卑 知脩天爵 人爵從之

真刀自咩



衣富女

土師衣富女者攝州人也。嘉祥二年春三月特授位
二階終身免同戶田租蓋當時之節婦也。

頌曰

嗚呼孀寡 土師女子 人欲日除 天理時起
節行俱優 祿位惟祉 婦道希世 俗婦豈企

本朝及女傳卷四

二十五

本朝及女傳卷四

二十五

女富衣



繼成女

私部繼成女者雲州人也。文德帝仁壽元年夏五月出雲國司奏言女子繼成女節操尤著請加旗顯詔賜爵二級復終其身。

頌曰

私部氏女 有松栢姿 仁壽元年 牧君奏之
賜爵貴家 免租安居 當時進善 克變四夷

繼成女



本朝列女傳卷四

二十四

繼成女

秦部繼成女者下野國人秦部正月滿之婦人也仁壽四年春三月賜爵二級復其田租終其身旌表其門閭惟至謹篤正月滿亡後撫養遺孤不復再醮持節彌固常脩功德進資其夫兼願及一切眾生國內稱之

頌曰

惟繼成女 下野州人 嫁正月滿 爲南柯姻
操行如泉 混混無泯 聞漸上達 榮級是新

女成總



本朝列女傳卷四

二十五

廣刀自女

和迹部廣刀自女者賀州人也廣刀自女年十四適山城州人秦真勝真勝亡後廬於冢側于今三十餘年追慕其夫言及哀泣仁壽四年夏五月賜爵二級

頌曰

廣刀自女 十四適人 少壯寡居 哀泣幾春
貞操出心 自國逮宸 自是萬世 令名不泯

廣刀自女



本朝列女傳卷四

二十六


道虫女

伊賀朝臣道虫女者伊賀州名張郡之節婦也清和
帝貞觀五年夏五月末免戶內田租終身勿事即表
門閭以旌貞操焉

頌曰

伊賀朝臣 道虫之女 忽哭良人 再醮豈慮
一時全節 萬世有譽 劉復立妻 之子其庶

女忠道



本朝列女傳卷四

三十七

氏成賣


早部連氏成賣者攝州武庫郡人也年十六適右京
人文室真人武庫麻呂歷二十有七年武庫麻呂死
氏成賣居喪有禮事死如生日不再食遂不改醮負
觀六年春二月詔叙位二階免戶內田租終身勿事
即表其門閭以旌貞操

評曰。一女子之操行高遠。天朝遠傳。萬世中庸。曰
君子之道造端於夫婦。及其至也。察乎天地。其謂
乎。

頌曰

早部連女 武庫丸配 平生事死 其神如在

氏成賣



本朝列女傳卷四

二十九

晚節克保

末路不背

家國所尊

香名貞愛

本朝列女傳卷四

二十九


宅子

伴連宅子者。紀州名草郡人也。貞觀六年秋八月。叙位二階。免戶內田租。表其門閭。以旌貞節。

頌曰

貞觀六年 有婦最賢 節義拔群 信順當先
賜爵復租 受祿于天 自天重之 宅子有焉

宅子



廣繼女



廣繼女

存ソク作部廣繼女者近江州伊香郡人也年十五始以
出嫁三十有七失其夫常守墳墓哭哭不繼聲專期
同穴無心再嫁量其表意操可謂節婦也貞觀七年
春三月勅宜叙二階免戶內租即表門閭

評曰廣繼之女之節操磨而不磷涅而不緇君子哉若人守節哉若人

頌曰

石作部女 坤德有鄰 一十有六 始結嘉姻
二十又七 忽失良人 事死如生 日薦溪蘋

本朝列女傳卷四

六月廿六傳卷四

三十一

真貞子

忌部首真貞子者阿波國各方郡人也真貞子伉儷
亡後經三十餘歲身卧冢側心存念佛遂不再醮將
終一生負觀七年十一月詔叙位二階免戶內租
卽表門閭以旌節婦之貞焉

評曰真貞子也操行以爲己任
死而後止萬世婦人之龜鑑也

頌曰

惟貞貞子 名聞帝京 賜位復租 先悲後榮
不稱奉佛 唯稱其貞 古思也直 語約義明

真貞子



福刀自

漢部福刀自者丹波州何鹿郡人也。伉儷亡後歷二十有二年。獨居虛室守節。是真節婦。貞觀八年秋九月。特加優獎。叙位二階。免戶內租。以表門閭。

頌曰

吁福刀自 義膽其烈 良人易箠 內子守節
紡績不嫁 日夜泣血 楚自公妻 俱一途轍

自刀福



賣主黑



黑主賣

春部直黑主賣者上總州夷瀨郡之節婦也貞觀九年夏四月叙一階免戶內役以表門閭

頌曰

春部直女 身備洒掃 亡夫瘋心 秋砧止擣
 以順為正 得妾婦道 世人皆稱 氣如勁草

子令




令子

高志公令子者越後州頸城郡之節婦也貞觀九年
夏五月叙二階免戶內課役以表門閭

頌曰

今古妾婦 鈞是人耳 體有大小 時有泰否
從其大體 高志令子 且號大人 得節女髓

秦刀自



秦刀自

秦勝細刀自者若按州三方郡之節婦也貞觀十年春三月叙位二階免戶內租以表門閭

頌曰


秦氏刀自
賞義感節

降誕若隅
叙位復租

迨吉適人
當時勸善

方今亡夫
萬世聖謨

秀刀自



秀刀自

守部秀刀自者美濃國池田郡人也夫死後孀居虛室守義不移造佛寫經晨昏禮拜永斷葷蔥不事織維拜佛之外哭不絕聲貞觀十年秋七月勅叙位二階免戶內租以表門閭

評曰。斷葷蔥者散齋也可尚矣。不事織維者遊手也可謂秀刀自之過舉矣。其孀居守義者可方王進士之妻而已。

頌曰

守部刀自 美濃州人 孀居惟謹 婦德日新
禮拜靈聖 不祠蠶神 積因成業 欲及其真

玉刀自



玉刀自

大荒木臣玉刀自者出羽州田川郡人也夫死之後
 廬於墓側歸念佛理守節不移貞觀十三年春二月
 叙位二階免戶內租表於門閭

頌曰

羽州孀婦 邦國拔尤 思九原人 忽生百憂
 偶有榮賜 未想春秋 世上禍福 皆身已求

本朝列女傳卷四

三十一

本朝列女傳卷四

三十一


能子

河内史能子者近江州高嶋郡之節婦也貞觀十三
年秋八月叙位二階免戶內租表其門閭


頌曰

維斯能子	弄瓦江州	棟對未幾	生寡居愁
心有膽氣	身欲墮樓	婦道確乎	砥柱不流

能子



大富賣



大富賣

長直大富賣者阿波州勝浦郡之節婦也貞觀十三年閏八月叙位二階免戶內租表於門閭

頌曰

節婦氏長

倉卒訣夫

義采一家

名鳴四隅

從班隨牒

除役復租

積善餘慶

先言不誣

園主賣



園主賣

刑部^ノ園主賣者陸奥州柴田郡之節婦也貞觀十四
 年冬十一月叙位二級免戶內租表於門閭

頌曰

東與千里 遠距王所 之子操行 真箇翹楚
 嗚呼何地 不生節女 貞觀休明 發婦寧處

子屎




屎子

巨勢朝臣屎子者武藏州橘樹郡之節婦也貞觀十
四年冬十一月叙位二階免戶內租表於門闕

頌曰

巨勢屎子 似鍾山玉
有堅剛德 豈同世俗
韻溫潤光 不混霄燭
遭焚猶鮮 誰續華躋

福佐賣



福佐賣

榎本連福佐賣者安藝兩佐伯郡之節婦也貞觀十
四年冬十一月叙位二階免戶田租表於門閭

頌曰

榎本福佐 有貞女名 禮義我耳 德行自成
既復田租 仁則又榮 吁如斯人 誠國之禎

小掠賣




小掠賣

伴部小掠賣者出羽州飽海郡人也。佐儂亡後廬於墓側爲尼持戒苦行精進。貞觀十五年夏六月叙位二階免同戶租。旌表門閭。

頌曰

惟小掠女 性質木訥 伉儷謝世 細君截髮
永矢守節 念佛明發 日夜苦行 澤及朽骨

伊賀福刀自



伊賀福刀自

新家公福刀自者伊賀國之節婦也貞觀十六年秋九月叙位二階免同戶課旌表門閭

頌曰

伊賀節婦 名福刀自 追慕亡夫 通夜不寐
 貞觀仁政 蠲租叙位 惟雖天賜 躬求而已

清常刀自



清常刀自

錦村主清常刀自者近江州淺井郡之節婦也貞觀十六年秋九月叙位二階免同戶課表於門閭

頌曰

清常刀自 近淺井人 貞在如水 潔白惟新
 命復其家 自安厥仁 吁廣胖女 榮於萬春

小平子

日置部小平子者。但馬州美合郡之節婦也。貞觀十七年冬十月。叙位二級。小平子年十六。適權大領外。從八位上。日下部良氏年二十九。夫亡。守節不移。無意再醮。及至晚齡。志彌固。鄉黨推敬。褒美焉。

評曰。貞觀中有女子之操行也。詔授階級。未幾。下代者。既二十餘人。况孝子順孫。義夫忠士。不可勝計矣。吁。清和帝。馭寓之際。風化之美。可知矣。以唐貞觀中之治。相比。則未易判其優劣。以愚見之。唐室。即父子兄弟之間。慙德多矣。我貞觀之治。蓋優於唐。貞觀者乎。

頌曰

吁小平子 以禮自娛 十六適人 廿九喪夫


晚節彌固

生氣未枯

如竹青青

千歲無癯

小平子



今子

附箭集清河子

道今子者加賀州加賀郡大野郷之節女也光孝帝
仁和元年冬十二月今古授位二階免戶内甲相表
其門閭以旌負節也今古生年十二適故前加賀權
拯大神高名經二十餘年高名身死今子廬于墳側
歷年不去哭泣之聲日夜不斷今子之母箭集清河
子年二十一始適於人其夫死後不更再醮全守一
節齡七十六終於室內母子繼踵負索無虧焉

頌曰

賀州一女女中之傑 照見其膽 乃石乃鐵

子今



本朝列女傳卷四

四十九

幹母之蠱
 親子一節
 後世發婦
 可耻並列

本朝列女傳卷四

四十九

漢部妹刀自



漢部妹刀自

漢部妹刀自賣者丹波州何鹿郡人也年十四適秦
貞雄生二男一女貞雄死後歷三十有二年常著素
服獨居虛室無復再醮之情均養男女譬猶尸鳩仁
和三年夏六月國司申請以為節婦表其門閭勅叙
位二階免戶內田租

頌曰

漢部孀婦 義為先務 朝思伉儷 夕恤孩孺
國宰以聞 察勉末路 請舉貞女 詔免徭賦

鎌田婦人

附鎌田女

鎌田左兵衛尉政家初號政清之婦人者長田莊司忠致女也平治元年冬十二月右衛門督藤信賴左馬頭源義朝欲殺清盛時二條帝密出禁裡入御清盛六波羅館清盛大感激而起兵與之相戰信賴義朝敗績義朝敗走于尾州智多郡野間鄉內海匿居于長田忠致家鎌田政家亦從之時忠致忽起狼戾之心而與子景致相謀而弑君義朝於浴室刺塔政家於閨內君臣共年三十八於是政家之婦人謝夫之尸骸曰妾雖為婦女全不貳君夫雖父子之親不知所

以其及無由三諫焉吁措身無處我當雪耻君夫於泉下則取夫之乃洞胸而死世人皆為流淚賴朝勃興之日長田父子誅戮焉厥後政家之遺孤女子於勝長壽院訪故左典廐及考妣菩提捧願文女子懇志之所述旨趣情念溢乎言外也聽衆涕淚霑袖衫矣賴朝嘗感政家之有功尋有其遺孤乎否不幸無男子適此女子來矣乃以尾州志濃幾丹波州田名部兩莊地頭職恩補此女子賞政家之舊功勞矣

頌曰


平氏景致

弑君害婿

惟政家妻

刺胸自誓

鎌田婦人



從義所在 得正而還 三綱下視 君子不戾

本朝... 傳...

五...

山内經俊母


山内龍口三郎經俊母者山内俊通之婦人賴朝卿之乳母也經俊以放矢於賴朝于石橋山之罪奪山内莊罪之而屬於土肥實平後將斬之也老母聞之為救之忽詣營中言之曰在昔資通入道仕鎮守府將軍義家為廷尉為義禪室乳母以來世竭微忠於源家不可勝計焉就中吾夫俊通臨平治戰場曝骸於六條河原而子經俊與景親之科責之有餘雖然是乃一旦為憚平家之後聞也凡敵君於石橋邊之徒今已多預恩赦經俊亦盍以曩時之功荷其顧宥

者哉時賴朝召實平令昇致石橋山之役所被鎧廻開櫃蓋使山内尼見之有矢貫穿披膊其栝上書記瀧口三郎藤原經俊於是尼不能重請拭淚而出然賴朝憐其母尼悲歎之情感彼祖先忠勲之勞而即宥經俊矣

頌曰

藤原經俊 世仕源姓 還在敵隊 忽背將令
以母劬勞 救子薄命 嗚呼若人 外柔內勁

山内經俊母



本朝及女傳卷四

五十一


京極局

京極局者賴朝卿之官女山城權守藤原秀高之婦人秀清母也賴朝征奥州之日戰于阿津賀志山秀高之子千鶴丸弱少之齡而進先登呼自名發矢屢多矣賴朝始聞知其號壯其稚童而勇悍也一日於船泊驛令糺問其姓名迺曰河村秀高之四男也依之召而即加首服號河村四郎秀清此秀清者去治承四年石橋之役兄義秀屬景親之後困辱東西其母相謀而暫隱氏號匿密室而此舉也稍累世之勇士從軍後忽顯本業逢佳運皆聖善之功也

本朝及女傳卷四

五十一

京極局



本朝列女傳卷四

五十四

頌曰

惟秀高妻
戰功拔群

母儀令聞
姓名審問

置兒絳中
始加首服

卒逢佳運
勇名益奮

本朝列女傳卷四

五十四

仁田忠常婦人

仁田四郎忠常婦人者未詳其姓氏。一日詣豆州三嶋社。時洪水滔漲及浮江尻渡逆浪覆船。同船人悉免死。于魚腹然唯忠常婦人溺死矣。此女自幼至長。每月詣三嶋。殆無怠荒焉。忠常嘗病篤。危急。逮旦。日之時。此女捧願書於三嶋社。祈縮吾筭。延夫壽也。應時忠常病痊。是乃明神納受其誓願而令轉代其命者。故世人稱貞女矣。

頌曰

仁田夫妻 盟連理枝 敬神心誠 炊臼夢悲

偶膠舟沒 人不忍欺 平生婦德 不言可知

仁田忠常婦人




山名禪高婦人

山名豐國入道法印禪高婦人者。未知其姓氏。當時群盜大起。襲山名之居。法印橫鎗而防之。婦人從之。潛身於門扉側。拋出衣服。纏賊之劍戟。數回。故刺擊不自由。法印得利。殺盜數人。餘悉退去。翌日捕盜告官。繫獄肆於市朝。於是婦人智勇。世舉而稱之。一日婦人喫餅。偶咽鳴。法印戲曰。內子善嗜餅乎。婦人大愧。自是一生不食餅。其強盛制忍。確乎不可拔。

評曰。昔荆軻逐秦王。是時侍鑿夏無。且以其所奉藥囊。提荆軻也。於是左右既前。殺軻已。而論功。賞群臣及當坐者。各有差。而賜夏無。且黃金二百鎰。日。無且愛我。乃以藥囊提荆軻也。余謂此禪高婦人。

山名禪高婦人



人。拋衣服。與待醫提藥囊畧同。可謂善應變矣。生不喫餅。可謂能知耻。孟子曰。耻之於人。大矣。先儒所謂克勤小物。最難有味斯言也。餅。小物也。是可忍也。孰不可忍也。

頌曰

禪高之妻 勇而且知 提衣遮賊 更不撓肌
 克勤小物 卒不喫餐 弭變勉難 芳名遠馳

妙喜尼

妙喜尼者遠山丹波守直景女諏訪部遠江守源定勝婦人也。有三男一女。定勝死後孀居守節。祝髮號之敵。南北之仇。朝首戈夕比干。力戰苦闘無止時。定勝固守挑戰。斬獲日多。威震國中。聲馨東州。定勝雅嗜酒。偶沈醉。則高枕而眠。敵不意襲來。定勝婦人自被甲冑。更橫尖尾刀。命侍女使吹鳴螺。而集軍士。正其什伍。配之火藥鉛子。因是士卒固守。外廓婦人騎回城內。下令於諸卒。實有丈夫氣象。少焉定勝醉始

覺。卽著鎧子。載乘馬排門。其鋒不可當。其勢不言而可知焉。妙喜尼勇略舉世知之。故定勝數出。雖在相州。敵無窺其隙。

頌曰

女子居內 儀禮之常 見義不爲 無勇非剛
執其兩端 用中量長 謂定勝妻 其氣鷹揚

妙喜尼



永井氏女

永井氏女年十五而嫁涯美氏。天性貞順慎而寡言。父賜爵祿守一城。故女子生富驕習美飾。然夫家月俸且乏。不為戚然。更著木綿裳奉承于君子。未妻如賓。十年于茲矣。涯美氏病死于家。寡婦哀泣。最其葬祭。盡哀敬。寡婦有兄曰想夫。我妹年尚壯。不知能守否乎。欲奪而嫁之。寡婦不聽。家兄勃怒。親屬相議。再醮。事既急矣。登時寡婦密入房中。拔刀將為自殺。侍婢驚怖。制之。血流不已。兄誓之曰。不奪其志。於是寡婦喜形於色。曰。如家兄之言。則我豈叨即死乎。殆不

永井氏女



忍孤弱自是鞠養諸房內教誨諸膝下寡婦從來不
喜遊觀故昔者夫有事之時一自詣其墓已後未嘗
出其門守節好道如此未滿四十而沒其子因母之
教化揚名立身舉世稱之貞婦

頌曰

涯氏寡婦 誰出其右 自割其身 惟節寂守
無再醮羞 有坤德厚 克教厥兒 永稱賢母

